



**O'ZBEKISTON RESPUBLIKASI YOSHLAR SIYOSATI VA SPORT VAZIRLIGI HUZURIDAGI
YOSHLAR ISHLARI AGENTLIGI DIREKTORINING
BUYRUG'I**

2023_y. "09" fevral

№ 01-10/20

**O'zbekiston Respublikasi Prezidentining 2023-yil 7-fevraldagi
PQ-46-son qarori ijrosini ta'minlash haqida**

O'zbekiston Respublikasi Prezidentining "O'zbekiston Respublikasida Inson huquqlari sohasidagi Milliy ta'lim dasturini tasdiqlash to'g'risida" 2023-yil 7-fevraldagi PQ-46-son qarorida belgilangan vazifalar ijrosini o'z vaqtida va sifatli bajarish maqsadida

BUYURAMAN:

1. O'zbekiston Respublikasi Prezidentining "O'zbekiston Respublikasida Inson huquqlari sohasidagi Milliy ta'lim dasturini tasdiqlash to'g'risida" 2023-yil 7-fevraldagi PQ-46-son qarori (keyingi o'rinlarda – qaror) ma'lumot va ijro uchun qabul qilinsin.

2. Qarorda belgilangan vazifalarni amalga oshirishga oid Yoshlar ishlari agentligining nazorat rejasi (keyingi o'rinlarda – nazorat reja) ilovaga muvofiq tasdiqlansin.

3. Nazorat rejada belgilangan vazifalar va tadbirlar:

o'z vaqtida, to'liq va sifatli bajarilishi yuzasidan shaxsiy javobgarlik mas'ul ijrochi bo'lgan tarkibiy va hududiy bo'linma rahbarlari zimmasiga yuklansin;

ijrosi uchun talab etiladigan sarf-xarajatlar belgilangan muddatlarda alohida buyruq asosida amalga oshirilishi belgilansin.

4. Agentlik markaziy apparati tarkibiy tuzilmalari va hududiy bo'linmalari boshliqlari har oyning 25-sanasiga qadar nazorat reja ijrosi bo'yicha Axborot-tahlil va ijro nazorati bo'limiga hisobot taqdim etib borsin.

5. Mazkur buyruq ijrosini belgilangan muddatlarda, sifatli va lozim darajada to'liq bajarmagan tegishli mas'ullarga nisbatan qat'iy choralar qo'llanilishi belgilansin.

6. Ushbu buyruq ijrosini nazorat qilish Agentlik direktorining birinchi o'rinbosari J.Xodjeyev zimmasiga yuklansin.

Direktor



A. Sa'dullayev

Yoshlar ishlari agentligi direktorining
2023-yil “9”-fevraldagi 0110/20 -son
buyrug‘iga
Ilova

**O‘zbekiston Respublikasi Prezidentining “O‘zbekiston Respublikasida Inson huquqlari sohasidagi Milliy ta’lim dasturini tasdiqlash to‘g‘risida” 2023-yil 7-fevraldagi PQ-46-son qarorida belgilangan vazifalarni amalga oshirishga oid Yoshlar ishlari agentligining
NAZORAT REJASI**

T/r	Tadbir nomi	Amalga oshirish mexanizmi	Ijro muddatlari	Mas’ul ijrochilar	Agentlikdan mas’ul ijrochilar
O‘zbekiston Respublikasi Prezidentining “O‘zbekiston Respublikasida Inson huquqlari sohasidagi Milliy ta’lim dasturini tasdiqlash to‘g‘risida” 2023-yil 7-fevraldagi PQ-46-son qarori					
1.	12. Markazning joriy yilning fevral oyida mamlakatimizda “Inson huquqlari” haftaligini o‘tkazish to‘g‘risidagi taklifga rozilik berilsin. Markaz: ... v) Yoshlar ishlari agentligi bilan birgalikda ikki hafta muddatda mahallalarda yoshlar ishtirokida “Inson huquqlari — oliy qadriyat” mavzusida turli darajadagi ma’rifiy anjumanlar, davra suhbatlari, uchrashuvlarning o‘tkazilishi, shu jumladan ularning videokonferensaloqa orqali Markaz xodimlari ishtirokida tashkil etish; ...	1. “Inson huquqlari oliy qadriyat” mavzusida mahalla yoshlari ishtirokida turli darajadagi ma’rifiy anjumanlar, davra suhbatlari uchrashuvlarni tashkil etish dasturini ishlab chiqish. 2. Tasdiqlangan dastur asosida Inson huquqlari bo‘yicha Milliy markaz xodimlari bilan hamkorlikda mahalla yoshlari ishtirokida “Inson huquqlari oliy qadriyat” mavzusida turli darajadagi ma’rifiy anjumanlar, davra suhbatlari, uchrashuvlar tashkil etish.	Ikki hafta muddatda	Inson huquqlari bo‘yicha Milliy markaz, Yoshlar ishlari agentligi	Yoshlarni vatanparvarlik ruhida tarbiyalash, ularning huquqiy savodxonligini oshirish bo‘limi (A.Alimov), Mahalladagi yoshlar yetakchilari faoliyatini muvofiqlashtirish va metodologik ta’minlash bo‘limi (Sh.Sharipov), Agentlikning hududiy bo‘linmalari boshliqlari

O‘zbekiston Respublikasi Prezidentining 2023-yil 7-fevraldagi PQ–46-son qarori bilan tasdiqlangan O‘zbekiston Respublikasida inson huquqlari sohasidagi Milliy ta’lim dasturini amalga oshirish bo‘yicha “yo‘l xaritasi”					
2. (1-band)	“Inson huquqlari” haftaligini o‘tkazish.	1. “Inson huquqlari” haftaligini o‘tkazish dasturini tasdiqlash. 2. “Inson huquqlari” haftaligini ommaviy axborot vositalarida keng yoritib borish choralarini ko‘rish.	2023-yil fevral	Inson huquqlari bo‘yicha Milliy markaz, Oliy ta’lim, fan va innovatsiyalar vazirligi, Maktabgacha va maktab ta’limi vazirligi, Yoshlar ishlari agentligi , Inson huquqlari bo‘yicha vakil (Ombudsman), Bola huquqlari bo‘yicha vakil, Axborot va ommaviy kommunikatsiyalar agentligi, O‘zbekiston Milliy teleradiokompaniyasi	Yoshlarni vatanparvarlik ruhida tarbiyalash, ularning huquqiy savodxonligini oshirish bo‘limi (A.Alimov) , Agentlikning hududiy bo‘linmalari boshliqlari
3. (3-band)	“Inson huquqlari va erkinliklari sohasida ta’lim va innovatsiyalar” milliy tanlovini o‘tkazish.	1. “Inson huquqlari va erkinliklari sohasida ta’lim va innovatsiyalar” milliy tanlovini o‘tkazish bo‘yicha Nizomni, dasturni ishlab chiqish va tasdiqlash. 2. Tanlovni o‘tkazib borish, nominatsiyalar bo‘yicha tanlov g‘oliblarini taqdirlash.	2023-yil may 2023-yil iyundan boshlab har yili	Inson huquqlari bo‘yicha Milliy markaz, Oliy ta’lim, fan va innovatsiyalar vazirligi, Maktabgacha va maktab ta’limi vazirligi, Yoshlar ishlari agentligi , Yoshlar ittifoqi	Yoshlarni vatanparvarlik ruhida tarbiyalash, ularning huquqiy savodxonligini oshirish bo‘limi (A.Alimov) , Agentlikning hududiy bo‘linmalari boshliqlari
4. (4-band)	“Inson huquqlari – kelajak avlodlar uchun” mavzusida o‘quvchi va talabalar o‘rtasida yozgi maktab va tanlovlarni tashkil etish, ijtimoiy tadqiqotlar o‘tkazish.	1. “Inson huquqlari – kelajak avlodlar uchun” mavzusida yozgi maktab va tanlovlar konsepsiyasi, dasturini ishlab chiqish. 2. Yozgi maktab va tanlovlarni o‘tkazish. 3. “Yoshlar huquq va erkinliklari haqida: baho, talab va muammolar” mavzusida ijtimoiy tadqiqot o‘tkazish.	2023-yil may-iyun, 2023-yil avgust, 2023-yil sentabr	Inson huquqlari bo‘yicha Milliy markaz, Yoshlar ishlari agentligi , Oliy ta’lim, fan va innovatsiyalar vazirligi, Yoshlar ittifoqi	Yoshlarni vatanparvarlik ruhida tarbiyalash, ularning huquqiy savodxonligini oshirish bo‘limi (A.Alimov) , Agentlikning hududiy bo‘linmalari boshliqlari



O‘ZBEKISTON RESPUBLIKASI PREZIDENTINING QARORI

2023 yil « 7 » февраль

№ ПҚ-46

Ўзбекистон Республикасида Инсон ҳуқуқлари соҳасидаги Миллий таълим дастурини тасдиқлаш тўғрисида

Инсон ҳуқуқлари соҳасидаги таълим ҳар бир фуқаронинг инсон ҳуқуқларига нисбатан ҳурматини рағбатлантириш ва унга ҳар томонлама риоя этилишини таъминлашда муҳим аҳамият касб этиб, зўравонлик ва низоларнинг олдини олишда ҳам муҳимдир.

2020–2024 йилларда инсон ҳуқуқлари соҳасида таълим бериш орқали ёшларнинг ҳуқуқ ва имкониятларини кенгайтиришга қаратилган Инсон ҳуқуқлари соҳасидаги Жаҳон таълим дастурининг тўртинчи босқичи амалга оширилмоқда.

Шундан келиб чиқиб, мамлакатимизда инсон ҳуқуқлари соҳасидаги таълимни янада такомиллаштириш, Инсон ҳуқуқлари бўйича Ўзбекистон Республикасининг Миллий стратегияси ижросини таъминлаш, шунингдек, Инсон ҳуқуқлари соҳасидаги Жаҳон таълим дастурининг тўртинчи босқичида белгиланган вазифаларни самарали ва ўз вақтида амалга ошириш мақсадида:

1. Ўзбекистон Республикаси Президентининг Бирлашган Миллатлар Ташкилоти Бош ассамблеясининг 76-сессияси ҳамда Инсон ҳуқуқлари бўйича кенгашининг 46-сессиясидаги ташаббус ва таклифларини амалга ошириш доирасида 2022 йил 5-6 декабрь кунлари Самарқанд шаҳрида “Инсон ҳуқуқлари бўйича таълим” Глобал форуми ўтказилганлиги маълумот учун қабул қилинсин.

2. Инсон ҳуқуқлари соҳасидаги таълим бўйича долзарб масалаларни ҳар томонлама ўрганиш, илғор хорижий тажрибани таҳлил қилиш ҳамда кенг жамоатчилик муҳокамаси, халқаро ва миллий маслаҳатлашувлар натижасида ишлаб чиқилган:

Ўзбекистон Республикасида Инсон ҳуқуқлари соҳасидаги Миллий таълим дастури (кейинги ўринларда – Миллий таълим дастури) 1-иловага мувофиқ;

Ўзбекистон Республикасида Инсон ҳуқуқлари соҳасидаги Миллий таълим дастурини амалга ошириш бўйича “Йўл харитаси” (кейинги ўринларда – “Йўл харитаси”) 2-иловага мувофиқ тасдиқлансин.

Вазирлик ва идораларнинг биринчи раҳбарлари “Йўл харитаси”да белгиланган вазифаларнинг **тўлиқ, сифатли ва ўз вақтида амалга оширилиши** учун шахсан жавобгар эканлиги кўрсатиб ўтилсин.

3. Ўзбекистон Республикасида Инсон ҳуқуқлари соҳасидаги Жаҳон таълим дастурининг тўртинчи босқичини амалга ошириш бўйича Миллий комиссия (кейинги ўринларда – Миллий комиссия) (А. Саидов) **Миллий таълим дастури ва “Йўл харитаси”нинг амалга оширилиши юзасидан:**

мунтазам **мониторинг** олиб бориб, чора-тадбирлар **сифатли ва ўз вақтида ижро этилиши** бўйича **таклиф** ва тавсияларни тегишли вазирлик ва идораларга киритиб борсин;

доимий равишда **аниқ кўрсаткичлар** ва эришилган натижалар **акс эттирилган батафсил ахборотнинг** расмий веб-саҳифаларда ва оммавий ахборот воситаларида жойлаштириб борилишини таъминласин;

ҳар олти ойда Олий Мажлис палаталари ва Ўзбекистон Республикаси Президентига умумлаштирилган маълумот киритиб борсин;

ахборот-таҳлилий шарҳлар тайёрланиши, хорижий тилларга таржима қилиниши ва **эълон қилинишини** таъминласин.

Белгилансинки, **ахборот-таҳлилий шарҳлар** ва уларнинг таржималарини чоп этиш ва **эълон қилиш** билан боғлиқ харажатлар Инсон ҳуқуқлари бўйича Ўзбекистон Республикаси Миллий марказига (кейинги ўринларда – Марказ) Давлат бюджети доирасида ажратиладиган маблағлар ҳисобидан қопланади.

4. “Йўл харитаси”да белгиланган масъул ижрочилар ўзларига юклатилган вазифалар ижроси тўғрисидаги маълумотларни ҳар ойнинг 5-санасига қадар Ўзбекистон Республикасида Инсон ҳуқуқлари соҳасидаги **Жаҳон таълим дастурининг тўртинчи босқичини амалга ошириш бўйича Миллий комиссия** ишчи органи – Марказга тақдим этиб борсин.

5. Олий Мажлис палаталарига Миллий комиссиянинг Миллий таълим дастури ва “Йўл харитаси”нинг ижро ҳолати юзасидан ахборотини эшитиш ва танқидий муҳокама қилиб бориш тавсия этилсин.

6. 2023/2024 ўқув йилидан бошлаб профессионал ва олий таълим тизимида “Инсон ҳуқуқлари”, “Аёллар ҳуқуқлари”, “Бола ҳуқуқлари” бўйича тегишлича ўқув ва махсус курслар жорий этилсин.

Олий таълим, фан ва инновациялар вазирлиги Марказ билан биргаликда 2023 йил 1 июнга қадар “Инсон ҳуқуқлари”, “Аёллар ҳуқуқлари”, “Бола ҳуқуқлари” бўйича ўқув ва махсус курслар жорий этиладиган профессионал ва олий таълим ташкилотларининг аниқ рўйхатини шакллантирсин ҳамда тегишли ўқув дастурларини такомиллаштириш чораларини кўрсин.

7. Шундай тартиб ўрнатилсинки, унга мувофиқ 2023 йил 1 июндан бошлаб Марказ томонидан ҳар йили:

“Инсон ҳуқуқлари ва эркинликлари соҳасидаги таълим ва инновациялар” миллий танлови ўтказиб борилади;

ногиронлиги бўлган шахслар ҳуқуқлари, аёллар ҳуқуқлари, бола ҳуқуқлари ва мигрантлар ҳуқуқлари йўналишларида фаолияти мазкур шахслар билан бевосита боғлиқ бўлган ташкилотларда ўқув курслари ва семинар-тренинглари ташкиллаштирилади.

Марказ:

а) уч ой муддатда:

Миллий танловни ўтказиш бўйича Низом ва дастурни ишлаб чиқсин ҳамда тегишли вазирлик ва идоралар билан келишиб, тасдиқласин;

ногиронлиги бўлган шахслар ҳуқуқлари, аёллар ҳуқуқлари, бола ҳуқуқлари ва мигрантлар ҳуқуқлари йўналишларида тегишли ташкилотларда ўқув курслари ва семинар-тренинглари ўтказиш бўйича режа-графикни тасдиқласин;

б) 2023 йил 1 апрелга қадар:

“Ўзбекистонда инсон ҳуқуқлари ва эркинликлари”, “Инсон ҳуқуқлари”, “Бола ҳуқуқлари”, “Аёллар ҳуқуқлари”, “Ногиронлиги бўлган шахслар ҳуқуқлари” туркум қўлланма ва рисоаларни тайёрлаш ва чоп этиш чораларини кўрсин;

Рақамли технологиялар вазирлиги билан биргаликда Инсон ҳуқуқлари соҳасида таълим олиш бўйича электрон платформани яратиш, ишга туширсин.

Белгилансинки, мазкур бандда назарда тутилган топшириқларни амалга ошириш билан боғлиқ харажатлар Марказга Давлат бюджети доирасида ажратиладиган маблағлар ҳисобидан қопланади.

8. 2023 йил 1 мартдан бошлаб терговга қадар текширув, суриштирув, дастлабки терговни амалга оширувчи органлар ва жазони ижро этиш муассасалари ходимлари учун қийноққа солишга қарши курашиш бўйича қисқа муддатли ўқув курслари доимий равишда ташкил этилсин.

Марказ ва Бош прокуратура:

мазкур ўқув курсларини ташкил этиш учун **масъул** этиб белгилансин;
икки ҳафта муддатда қийноққа солишга қарши курашиш бўйича ўқув курсларини ўтказиш графигини тасдиқласин.

9. Давлат хизматини ривожлантириш агентлиги (О.Хасанов) Давлат бошқаруви академияси (А.Бекмуродов) билан биргаликда:

2023 йил 1 майдан бошлаб раҳбар кадрларни қайта тайёрлаш ва уларнинг малакасини ошириш тизимида **инсон ҳуқуқлари ва гендер тенглик** бўйича ўқув курслари (соатлари)ни жорий қилсин. Бунда, мазкур ўқув курсларини **Инсон ҳуқуқлари соҳасида таълим олиш бўйича электрон платформаси** орқали ташкил этишга рухсат этилсин;

2023 йил 1 апрелга қадар Марказ билан биргаликда соҳаларнинг ўзига хосликларини инобатга олган ҳолда **инсон ҳуқуқлари ва гендер тенглик масалалари** бўйича ўқув курслари модули ва дастурини ишлаб чиқсин.

10. Миллий комиссиянинг:

Қорақалпоғистон Республикаси ва вилоятлар ахборот-кутубхона марказларида **Инсон ҳуқуқлари соҳасидаги адабиётлар йўналишини** ташкил этиш;

Қорақалпоғистон Республикаси ва вилоятлар ахборот-кутубхона марказлари фондини **Марказ томонидан** инсон ҳуқуқлари бўйича тизимлашган илмий-ҳуқуқий манбалар билан доимий таъминлаб бориш тўғрисидаги таклифлари маъқуллансин.

11. Марказ Қорақалпоғистон Республикаси ва вилоятлар ахборот-кутубхона марказларини:

халқаро шартномаларнинг давлат тилидаги **тўпламлари**;

инсон ҳуқуқлари бўйича **ўқув, илмий-услубий ва халқаро нашрлар**;

инсон ҳуқуқлари соҳасида мамлакатимизда амалга оширилаётган ислохотлар бўйича юритилаётган **хронология материаллари билан тизимли равишда таъминлаб** борсин.

12. Марказнинг жорий йилнинг февраль ойида мамлакатимизда “Инсон ҳуқуқлари” ҳафталигини ўтказиш тўғрисидаги таклифига розилик берилсин.

Марказ:

а) бир ҳафта муддатда “Инсон ҳуқуқлари” ҳафталигини ўтказиш дастурини тасдиқласин;

б) Мактабгача ва мактаб таълими вазирлиги ҳамда Олий таълим, фан ва инновациялар вазирлиги билан ҳамкорликда давлат таълим муассасаларида:

“Ҳуқуқий саводхонлик ойлиги” доирасида ўтказиладиган тадбирларда “Янги Ўзбекистон ва инсон ҳуқуқлари” мавзусига алоҳида эътибор қаратилиши;

2023 йилдан бошлаб Ўзбекистон Республикаси Конституцияси қабул қилинган кун муносабати билан ўтказиладиган кўрик-танловларда **аёллар, бола ва ёшлар ҳуқуқлари масалалари қамраб олинишини** таъминласин;

в) Ёшлар ишлари агентлиги билан биргаликда **икки ҳафта муддатда маҳаллаларда** ёшлар иштирокида “Инсон ҳуқуқлари – олий кадрият” мавзусида турли даражадаги **маърифий анжуманлар, давра суҳбатлари, учрашувларнинг ўтказилиши**, шу жумладан уларнинг видеоконференцалоқа орқали Марказ ходимлари иштирокида ташкил этиш;

г) Ахборот ва оммавий коммуникациялар агентлиги (А.Ходжаев) ҳамда Ўзбекистон Миллий телерадиокомпанияси (А.Хаджаев) билан биргаликда “Инсон ҳуқуқлари” ҳафталигини оммавий ахборот воситаларида кенг ёритиб бориш чораларини кўрсин.

13. “Эл-юрт умиди” жамғармаси очиқ стипендия танловлари асосида хорижда бакалаврият, магистратура ва докторантурада таълим олиш ҳамда малака ошириш дастурларининг мақсадли кўрсаткичларини тузишда **инсон ҳуқуқлари масалалари бўйича** буюртмачи вазирлик ва идораларнинг кадрларга бўлган эҳтиёжини ҳисобга олсин.

14. Ўзбекистон Миллий ахборот агентлиги (А.Кучимов), Ўзбекистон Миллий телерадиокомпанияси (А.Хаджаев), Халқаро пресс-клуб (Ш.Қудратхўжаев):

ушбу қарорнинг мазмун-моҳияти оммавий ахборот воситалари ва Интернет тармоғида тушунтирилишини;

Миллий таълим дастурининг амалга оширилиши тўғрисидаги ҳолис ва тўлиқ маълумотларнинг кенг жамоатчиликка тезкор етказилишини таъминласин.

15. Мазкур қарорнинг ижросини самарали ташкил қилишга **масъул ва шахсий жавобгар этиб** Марказ директори А.Х. Саидов белгилансин.

Қарор ижроси учун масъул идоралар фаолиятини **мувофиқлаштириш ва назорат қилиш** Ўзбекистон Республикасининг Бош вазири А.Н. Арипов зиммасига юклансин.

**Ўзбекистон Республикаси
Президенти**



Ш. Мирзиёев

Тошкент шаҳри

Ўзбекистон Республикасида инсон ҳуқуқлари соҳасидаги Миллий таълим дастури

1-боб. Умумий қоидалар

Ўзбекистонда инсон ҳуқуқларини рағбатлантириш, ҳимоя қилиш ва уларга риоя қилиш масалалари давлат сиёсатининг устувор йўналишларидан бири ҳисобланади. **Инсон ҳуқуқлари бўйича Ўзбекистон Республикасининг Миллий стратегияси** доирасида шахсий, сиёсий, иқтисодий, ижтимоий ва маданий ҳуқуқларни таъминлаш борасида мақсадли чоралар амалга оширилмоқда. Шу билан бирга, инсон ҳуқуқлари соҳасида таълимни такомиллаштириш юзасидан муҳим қадамлар қўйилмоқда.

2020–2024 йилларда инсон ҳуқуқлари соҳасидаги Жаҳон таълим дастурининг тўртинчи босқичи амалга оширилмоқда. Ушбу босқич ёшларни тенглик, инсон ҳуқуқларига амал қилиш ва камситмаслик руҳида тарбиялаш ҳамда инклюзив, тинч ва осойишта жамиятни яратишга имкон берувчи таълим беришга қаратилгандир.

Инсон ҳуқуқлари маданиятини шакллантириш мақсадида Ўзбекистон Республикаси Олий Мажлиси Қонунчилик палатаси Кенгаши ва Ўзбекистон Республикаси Олий Мажлиси Сенати Кенгаши томонидан 2019 йил 15 июлда **БМТнинг Инсон ҳуқуқлари соҳасида таълим ва тарбия тўғрисидаги декларацияси** қоидаларини амалга ошириш бўйича Миллий ҳаракатлар дастури ва унинг ижроси юзасидан “йўл харитаси” қабул қилинди.

Давлат ташкилотлари ходимларининг ҳуқуқий саводхонлик даражасини ошириш ва баҳолаш тартиби ўрнатилди. Инсон ҳуқуқлари бўйича Миллий марказ ҳузурида давлат органлари ва фуқаролик жамияти институтлари ходимлари учун **инсон ҳуқуқларига риоя этиш ва уни ҳимоя қилиш** соҳасида кадрлар малакасини ошириш бўйича ўқув курслари ташкил қилинди.

Инсон ҳуқуқлари соҳасида олий малакали илмий ва илмий-педагогик кадрлар тайёрлаш, шунингдек, ушбу йўналишда фундаментал тадқиқотларни ривожлантириш мақсадида **“Инсон ҳуқуқлари” (юридик фанлар, социология фанлари) ихтисослиги** бўйича олий таълимдан кейинги таълим институти ташкил қилинди.

Таъкидлаш жоизки, бугунги кунда давлат органлари, фуқаролик жамияти институтлари, оммавий ахборот воситалари, таълим муассасаларини аҳоли ўртасида умуминсоний қадриятлар, инсон ҳуқуқларини ҳурмат қилиш ва унга риоя қилиш тамойилларини оммалаштириш, шунингдек, фуқароларнинг ҳуқуқий ахборотдан фойдаланишини таъминлаш жараёнига кенг жалб этиш зарурати юзага келди.

Олий таълим муассасаларида, академик лицей ва техникумларда инсон ҳуқуқлари, аёллар ҳуқуқлари ва бола ҳуқуқларига оид ўқув курслари ва дарсликлар жорий этилганлик ҳолати ҳамда мазкур мавзуларнинг ўқитилиш сифатини ўрганиш мақсадида **мониторинг ўтказилди**. Мониторинг натижалари шуни кўрсатмоқдаки, олий таълим муассасаларида “Инсон ҳуқуқларини ўрганиш” махсус ўқув курсини ўқитиш тўлиқ йўлга қўйилмаганлиги, молиялаштириш масаласи ҳал қилинмаганлиги сабабли фанлар **мутахассис бўлмаган ўқитувчилар томонидан ўқитилмоқда**.

Жамиятда инсон ҳуқуқлари ва эркинликларига ҳурмат ҳиссининг шаклланиши, халқаро ташкилотлар тавсияларининг бажарилиши учун суд ва ҳуқуқни муҳофаза қилувчи органлар ҳамда бошқа давлат органлари **ходимларининг инсон ҳуқуқлари** бўйича малакасини ошириш ишларини тизимли йўлга қўйиш лозим.

Халқаро ҳужжатлар доирасида мамлакатимиз зиммасига олган мажбуриятларни, шунингдек, пандемия ва унинг оқибатлари натижасида юзага келган таҳдидлар ва муаммоларни инobatга олиб, Инсон ҳуқуқлари бўйича Ўзбекистон Республикаси Миллий стратегиясида белгиланган вазифаларни самарали амалга ошириш мақсадида, ўзида янги ёндашувларни, янги методологияларни ва амалиётни акс эттирган инсон ҳуқуқлари бўйича таълимни ташкил этиш масаласи кун тартибига қўйилмоқда.

Соҳадаги камчиликлар мамлакатимизда аҳолининг, айниқса, ёшларнинг инсон ҳуқуқлари соҳасидаги ҳуқуқий саводхонлигини оширишга, уларда инсон ҳуқуқлари ва эркинликларига ҳурмат ҳиссининг шаклланишига, давлат хизматчиларининг инсон ҳуқуқлари ва гендер тенглик соҳасидаги билим ва кўникмаларининг ошишига тўсқинлик қилмоқда.

Шу муносабат билан, Ўзбекистон Республикасининг инсон ҳуқуқлари соҳасидаги Миллий таълим дастурини қабул қилиш алоҳида аҳамият касб этмоқда. Ушбу Миллий таълим дастури инсон ҳуқуқлари соҳасида ахборот бериш, маърифат ва ўқитиш тизимини босқичма-босқич кенгайтириш ва такомиллаштиришга, кадрлар тайёрлаш тизимини миллий қонунчилик ва халқаро стандартлар талаблари асосида сифат жиҳатидан янги босқичга олиб чиқишга қаратилган.

2-боб. Ўзбекистон Республикасида Инсон ҳуқуқлари соҳасидаги Миллий таълим дастурининг асосий мақсад ва вазифалари

Ўзбекистон Республикасида инсон ҳуқуқлари соҳасидаги Миллий таълим дастурининг (кейинги ўринларда – Миллий таълим дастури) асосий мақсади – Бирлашган Миллатлар Ташкилотининг Инсон ҳуқуқлари соҳасида таълим ва тарбия тўғрисидаги Декларацияси қоидалари ва инсон ҳуқуқлари соҳасидаги Жаҳон таълим дастурининг тўртинчи босқичини амалга ошириш, шунингдек, аҳоли барча қатламларининг инсон ҳуқуқлари ва эркинликлари тўғрисидаги миллий ва халқаро стандартлар тўғрисида хабардорлигини, ушбу йўналишда амалга оширилаётган ишлар самарадорлигини янада оширишдан иборатдир.

Қуйидагилар Миллий таълим дастурининг асосий вазифалари ҳисобланади:

ёшларнинг инсон ҳуқуқлари ва эркинликлари соҳасидаги хабардорлигини ошириш;

давлат органлари ходимларининг инсон ҳуқуқлари ва гендер тенглик соҳасидаги **билим ва кўникмаларини ошириш;**

инсон ҳуқуқлари соҳасида педагог кадрларни тайёрлаш тизимини такомиллаштириш ва илмий тадқиқотларни **қўллаб-қувватлаш;**

аҳолининг ижтимоий ҳимояга муҳтож қатламларининг инсон ҳуқуқлари соҳасида хабардорлигини ошириш;

инсон ҳуқуқлари бўйича таълим соҳасида **фуқаролик жамияти институтларининг фаоллигини ошириш;**

замонавий технологиялар, бадий асарлар, оммавий ахборот воситаларидан фойдаланган ҳолда инсон ҳуқуқлари соҳасида **таълим ва тарбия тизимининг** самарадорлигини ошириш;

инсон ҳуқуқлари бўйича таълим соҳасида **халқаро ҳамкорликни** ривожлантириш.

3-боб. Миллий таълим дастурининг асосий йўналишлари

1. Ёшларнинг инсон ҳуқуқлари ва эркинликлари соҳасидаги хабардорлигини ошириш йўналишида:

“Инсон ҳуқуқлари” ҳафталигини ўтказиш;

мутахассислик йўналишларини ҳисобга олган ҳолда инсон ҳуқуқлари бўйича **ўқув дастурлар, ўқув ва услубий қўлланмалар тайёрлаш;**

инсон ҳуқуқлари ва эркинликлари соҳасидаги таълим йўналишида инновацион танловлар, ўқувчи ва талабалар учун **ёзги мактаб, танловлар** ташкил этиш, **ижтимоий тадқиқотлар** ўтказиш.

2. Давлат органлари ходимларининг инсон ҳуқуқлари ва гендер тенглик соҳасидаги билим ва кўникмаларини ошириш йўналишида:

раҳбар кадрларни қайта тайёрлаш ва уларнинг малакасини ошириш тизимида инсон ҳуқуқлари, гендер тенглик масалалари бўйича **ўқув курсларини (соатлари)** жорий қилиш;

ҳуқуқни муҳофаза қилувчи органлар ходимлари учун инсон ҳуқуқлари, **қийноққа қарши курашиш** бўйича ўқув курсларини ташкил этиш;

Ўзбекистон Республикасининг инсон ҳуқуқлари бўйича халқаро шартномалари тўпламларини **давлат тилида чоп этиш**;

Ўзбекистон Республикасининг **инсон ҳуқуқлари соҳасидаги** халқаро мажбуриятларини бажаришда иштирок этаётган давлат органлари ва ташкилотлар мутахассисларининг инсон ҳуқуқлари халқаро стандартлари бўйича **малакасини мунтазам ошириб боришни** ташкил қилиш.

3. Инсон ҳуқуқлари соҳасида педагог кадрларни тайёрлаш тизимини такомиллаштириш ва илмий тадқиқотларни қўллаб-қувватлаш йўналишида:

педагог кадрларни тайёрлаш ва қайта тайёрлаш тизимида инсон ҳуқуқлари **ўқув курсларини** жорий қилиш;

ҳуқуқшунос-педагог таълим йўналишини ташкил этиш, шунингдек, **“Инсон ҳуқуқлари бўйича халқаро ҳуқуқ”** магистратура мутахассислигини такомиллаштириш;

инсон ҳуқуқлари ихтисослиги бўйича олий таълимдан кейинги таълимни такомиллаштириш;

инсон ҳуқуқларининг долзарб масалалари бўйича **амалий, фундаментал ва инновацион илмий лойиҳалар** танловларини ўтказиш;

инсон ҳуқуқларининг долзарб масалалари бўйича хорижий олий таълим ва илмий ташкилотларнинг **бакалавриат, магистратура ва докторантурасида** мутахассисларни ўқитиш ҳамда малакасини ошириш тизимини такомиллаштириш.

4. Аҳолининг ижтимоий ҳимояга муҳтож қатламларининг инсон ҳуқуқлари соҳасида хабардорлигини ошириш йўналишида:

ногиронлиги бўлган шахсларнинг ҳуқуқлари бўйича семинар-тренинглар ўтказиш;

аёллар ва бола ҳуқуқлари бўйича ўқув курслари жорий қилиш;

мигрантлар ҳуқуқлари бўйича давлат органлари ва ташкилотлари ходимлари учун ўқув курслари ташкил қилиш.

5. Инсон ҳуқуқлари бўйича таълим соҳасида фуқаролик жамияти институтларининг фаоллигини ошириш йўналишида:

инсон ҳуқуқлари бўйича таълим йўналишида **давлат гранти ва ижтимоий буюртмалар** танловини жорий қилиш;

инсон ҳуқуқлари бўйича таълим соҳасида **фуқаролик жамияти институтлари** билан ҳамкорликда туркум семинар-тренинг, давра суҳбатлари ўтказиш;

тадбиркорлар, фермерлар учун инсон ҳуқуқлари соҳасида ўқув курслари ташкил қилиш, туркум семинарлар ўтказиш;

касаба уюшмалари тизимида инсон ҳуқуқларини ҳимоя қилиш механизмлари масалаларида ўқув курслари ташкил этиш.

6. Замонавий технологиялар, бадий асарлар, оммавий ахборот воситаларидан фойдаланган ҳолда инсон ҳуқуқлари соҳасида таълим ва тарбия бериш тизимининг самарадорлигини ошириш йўналишида:

мактабгача таълим ташкилотларининг педагог ходимлари учун **бола ҳуқуқларини** ўрганиш бўйича услубий қўлланма, кўргазмали материаллар яратиш;

Ўзбекистон Республикасида инсон ҳуқуқлари соҳасидаги таълим ва тарбияни мустаҳкамлаш, инсон ҳуқуқлари миллий тизими ҳақида **туркум радио ва теледастурлар, кўрсатувлар** ташкил этиш, инсон ҳуқуқлари бўйича таълим соҳасига оид ижтимоий видео, аудио роликлар яратиш;

ахборот хизматлари ходимлари ва журналистлар учун инсон ҳуқуқлари бўйича **ўқув курслари** ташкил қилиш;

инсон ҳуқуқлари соҳасида таълим олиш бўйича **электрон платформани** яратиш.

7. Инсон ҳуқуқлари бўйича таълим соҳасида халқаро ҳамкорликни ривожлантириш йўналишида:

БМТнинг Инсон ҳуқуқлари бўйича Олий комиссари бошқармаси, Европада хавфсизлик ва ҳамкорлик ташкилоти, Европа Кенгаши ва бошқа халқаро ташкилотлар билан **инсон ҳуқуқлари таълими** соҳасида ҳамкорликни ривожлантириш;

инсон ҳуқуқлари бўйича таълим соҳасида **халқаро анжуманлар** ташкил этиш, шунингдек, инсон ҳуқуқлари бўйича **хорижий олий таълим ва илмий ташкилотлар** билан халқаро ҳамкорликни ривожлантириш.

4-боб. Миллий таълим дастурини амалга ошириш, бажарилишини мониторинг қилиш ҳамда молиялаштириш механизми

Миллий таълим дастурини амалга оширишда давлат ҳокимияти ва бошқаруви органлари, инсон ҳуқуқлари бўйича миллий институтлар, суд ва ҳуқуқни муҳофаза қилувчи органлар, таълим муассасалари ва илмий ташкилотлар, фуқаролик жамияти институтлари, оммавий ахборот воситалари иштирок этадилар. Шунингдек, Миллий таълим дастурини амалга оширишда халқаро ташкилотлар билан ҳамкорлик қилинади.

Ўзбекистон Республикасида Инсон ҳуқуқлари соҳасидаги Жаҳон таълим дастурининг тўртинчи босқичини амалга ошириш бўйича Миллий комиссия:

Миллий таълим дастурининг барча даражаларда **ўз вақтида** ва **сифатли** амалга оширилишини таъминлайди;

Миллий таълим дастурининг ижросини таъминлаш борасида амалга оширилаётган чора-тадбирлар ҳамда инсон ҳуқуқлари соҳасидаги таълимни яхшилашга қаратилган саъй-ҳаракатлар тўғрисида миллий ва халқаро жамоатчиликни **кенг хабардор қилишни** ташкил этади;

Миллий таълим дастурида назарда тутилган чора-тадбирларни ҳамкорликда амалга ошириш мақсадида халқаро ва минтақавий ташкилотлар, шу жумладан, БМТнинг Инсон ҳуқуқлари бўйича Олий комиссари бошқармаси билан **мулоқот ўрнатиш чораларини кўради**;

Миллий таълим дастури ва уни амалга ошириш бўйича “йўл харитаси”нинг ижро ҳолати юзасидан ахборотни **ҳар чоракда** эшитиб, **танқидий муҳокама** қилиб боради.

Миллий таълим дастурини амалга ошириш бўйича “йўл харитаси”да белгиланган масъул ижрочилар ўзларига юклатилган вазифалар ижроси тўғрисидаги маълумотларни **ҳар ойнинг 5-санасига** қадар Миллий комиссиянинг ишчи органи – Инсон ҳуқуқлари бўйича Миллий марказга **тақдим** этади.

Олий Мажлис палаталари вазирлик ва идоралар раҳбарларининг Миллий таълим дастури ва уни амалга ошириш бўйича “йўл харитаси”нинг ижро ҳолати юзасидан ахборотини **ҳар олти ойда** эшитиб, **танқидий муҳокама** қилиб боради.

Миллий таълим дастурининг тўлиқ ва тизимли амалга оширилиши семинарлар, конференциялар ва бошқа тадбирлар доирасида оммавий ахборот воситаларида **кенг ёритиб** борилади. Шунингдек, инсон ҳуқуқлари бўйича таълим соҳасида Ўзбекистонда қабул қилинаётган чора-тадбирлар ҳамда уларнинг натижалари тўғрисида жамоатчилик ҳамда халқаро ҳамжамият **тизимли равишда хабардор** қилиб борилади.

Миллий таълим дастурини амалга ошириш бўйича ҳамкорлик доирасида халқаро ташкилотлар ва молия институтларининг маблағлари, грантлари ҳамда қонунчилик ҳужжатларида тақиқланмаган бошқа маблағлар ҳам жалб қилиниши мумкин.

5-боб. Миллий таълим дастурининг амалга оширилишидан кутилаётган натижалар

Миллий таълим дастури доирасида белгиланган вазифаларни амалга ошириш орқали қуйидаги натижаларга эришиш назарда тутилади:

аҳолининг, айниқса ёшларнинг инсон ҳуқуқлари соҳасидаги ҳуқуқий саводхонлигини ошириш, жумладан бу борада ахборот тарқатиш, таълим бериш фаолияти янада такомиллаштирилади, жамиятда **инсон ҳуқуқлари маданияти** янада юксалади;

инсон ҳуқуқлари соҳасидаги таълимнинг **асосий тамойиллари ва услубларини** ўзлаштириш ҳамда тўлиқ тушунишга кўмаклашилади;

аҳолининг турли гуруҳлари **томонидан инсон ҳуқуқлари ва эркинликлари, гендер тенглик** мазмун-моҳиятини тушунишга эришилади;

давлат органлари ходимлари томонидан инсон ҳуқуқларини амалда қўллаш **билим ва кўникмаларининг** шаклланишига эришилади;

инсон ҳуқуқлари соҳасида **илмий-тадқиқот ва ўқув жараёнини** такомиллаштириш, **таълим сифатини** оширишга эришилади;

Бирлашган Миллатлар Ташкилотининг Инсон ҳуқуқлари соҳасида таълим ва тарбия тўғрисидаги **Декларацияси** қоидалари қўлланилиши ва Инсон ҳуқуқлари бўйича **Жаҳон таълим дастурининг** тўртинчи босқичи амалга оширилишига кўмаклашилади;

инсон ҳуқуқлари бўйича таълим соҳасида халқаро ва минтақавий тузилмалар билан ҳамкорликни янги босқичга кўтариш орқали мамлакатнинг инсон ҳуқуқлари ва эркинликлари **соҳасидаги халқаро рейтинглар ва индекслар бўйича кўрсаткичлари** яхшиланади.

Ўзбекистон Республикасида инсон ҳуқуқлари соҳасидаги
Миллий таълим дастурини амалга ошириш бўйича
“ЙЎЛ ХАРИТАСИ”

Т/р	Тадбир номи	Амалга ошириш механизми	Ижро мuddатлари	Масъул ижрочилар
I. Ёшларнинг инсон ҳуқуқлари ва эркинликлари соҳасидаги хабардорлигини ошириш				
1.	“Инсон ҳуқуқлари” ҳафталигини ўтказиш.	1. “Инсон ҳуқуқлари” ҳафталигини ўтказиш дастурини тасдиқлаш. 2. “Инсон ҳуқуқлари” ҳафталигини оммавий ахборот воситаларида кенг ёритиб бориш чораларини кўриш.	2023 йил февраль	Инсон ҳуқуқлари бўйича Миллий марказ, Олий таълим, фан ва инновациялар вазирлиги, Мактабгача ва мактаб таълими вазирлиги, Ёшлар ишлари агентлиги, Инсон ҳуқуқлари бўйича вакил (Омбудсман), Бола ҳуқуқлари бўйича вакил, Ахборот ва оммавий коммуникациялар агентлиги, Ўзбекистон Миллий телерадиокомпанияси
2.	“Инсон ҳуқуқлари”, “Аёллар ҳуқуқлари”, “Бола ҳуқуқлари” ўқув ва махсус курсларини жорий этиш.	1. “Инсон ҳуқуқлари”, “Аёллар ҳуқуқлари”, “Бола ҳуқуқлари” бўйича ўқув ва махсус курслар жорий этиладиган профессионал ва олий таълим ташкилотларининг аниқ рўйхатини шакллантириш. 2. Тегишли ўқув дастурларини такомиллаштириш чораларини кўриш. 3. 2023/2024 йилдан бошлаб шакллантирилган рўйхатдаги давлат таълим муассасалари ва ташкилотларида “Инсон ҳуқуқлари”, “Аёллар ҳуқуқлари”, “Бола ҳуқуқлари” ўқув ва махсус курсларини жорий этиш.	2023 йил июнь	Олий таълим, фан ва инновациялар вазирлиги, Инсон ҳуқуқлари бўйича Миллий марказ Инсон ҳуқуқлари бўйича Миллий марказ, ТДЮУ, ЖИДУ, Ҳуқуқни муҳофаза қилиш академияси, ИИВ Академияси, Судьялар олий мактаби, Жамоат хавфсизлиги университети, Давлат ва ҳуқуқ институти

		4. “Ўзбекистонда инсон ҳуқуқлари ва эркинликлари”, “Инсон ҳуқуқлари”, “Бола ҳуқуқлари”, “Аёллар ҳуқуқлари”, “Ногиронлиги бўлган шахслар ҳуқуқлари” туркум қўлланма ва рисолаларни тайёрлаш ва чоп этиш.	2023 йил апрель	Инсон ҳуқуқлари бўйича Миллий марказ, Олий таълим, фан ва инновациялар вазирлиги, Мактабгача ва мактаб таълими вазирлиги, Ёшлар ишлари агентлиги, Ёшлар иттифоқи
3.	“Инсон ҳуқуқлари ва эркинликлари соҳасида таълим ва инновациялар” миллий танловини ўтказиш.	1. “Инсон ҳуқуқлари ва эркинликлари соҳасида таълим ва инновациялар” миллий танловини ўтказиш бўйича Низомни, дастурни ишлаб чиқиш ва тасдиқлаш. 2. Танловни ўтказиб бориш, номинациялар бўйича танлов ғолибларини тақдирлаш.	2023 йил май 2023 йил 1 июндан бошлаб ҳар йили	
4.	“Инсон ҳуқуқлари – келажак авлодлар учун” мавзусида ўқувчи ва талабалар ўртасида ёзги мактаб ва танловлар ташкил этиш, ижтимоий тадқиқотлар ўтказиш.	1. “Инсон ҳуқуқлари – келажак авлодлар учун” мавзусида ёзги мактаб ва танловлар концепцияси, дастурини ишлаб чиқиш. 2. Ёзги мактаб ва танловларни ўтказиш. 3. “Ёшлар ҳуқуқ ва эркинликлар ҳақида: баҳо, талаб ва муаммолар” мавзусида ижтимоий тадқиқот ўтказиш.	2023 йил май-июнь 2023 йил август 2023 йил сентябрь	Инсон ҳуқуқлари бўйича Миллий марказ, Ёшлар ишлари агентлиги, Олий таълим, фан ва инновациялар вазирлиги, Ёшлар иттифоқи
5.	Тиббиёт соҳасидаги олий таълим муассасалари учун “Инсон ҳуқуқлари” ўқув дастурини жорий қилиш бўйича таклифларни ишлаб чиқиш.	Тиббиёт соҳасидаги олий таълим муассасалари учун “Инсон ҳуқуқлари” ўқув дастури бўйича таклифларни ишлаб чиқиш.	2023 йил май	Соғлиқни сақлаш вазирлиги, Инсон ҳуқуқлари бўйича Миллий марказ
II. Давлат органлари ходимларининг инсон ҳуқуқлари ва гендер тенглик соҳасидаги билим ва кўникмаларини ошириш				
6.	Раҳбар кадрларни қайта тайёрлаш ва уларнинг малакасини ошириш тизимида инсон ҳуқуқлари ва гендер тенглиги масалалари бўйича ўқув курслари (соатлари)ни жорий қилиш.	1. Соҳаларнинг ўзига хосликларини инобатга олган ҳолда инсон ҳуқуқлари, гендер тенглиги масалалари бўйича ўқув курслари модули ва дастурини ишлаб чиқиш. 2. Ўқув курсларини онлайн ва офлайн форматда ташкил этиш.	2023 йил апрель 2023 йил май ойдан бошлаб	Давлат хизматини ривожлантириш агентлиги, Давлат бошқаруви академияси, Инсон ҳуқуқлари бўйича Миллий марказ, Оила ва хотин-қизлар кўмитаси, Адлия вазирлиги

7.	<p>Судьялар ва прокурорлар иштирокида “Одил судловни амалга оширишда инсон ҳуқуқларини таъминлаш” мавзусида ёзги мактаб ташкил этиш.</p>	<p>1. Ўқув дастури ва модулини ишлаб чиқиш ва тасдиқлаш. 2. Ўзги мактабни халқаро эксперт-тренерлар иштирокида ташкил этиш.</p>	2023 йил июль-август	Судьялар олий мактаби, Олий суд, Ҳуқуқни муҳофаза қилиш академияси
8.	<p>Терговга қадар текширув, суриштирув, дастлабки терговни амалга оширувчи органлар ва жазони ижро этиш муассасалари ходимлари учун қийноққа солишга қарши курашиш бўйича қисқа мuddатли ўқув курслари доимий равишда ташкил этиш.</p>	<p>1. Қийноққа солишга қарши курашиш бўйича ўқув курслари графигини ишлаб чиқиш. 2. Миллий ва халқаро экспертларни жалб қилган ҳолда ўқув курсларини онлайн ва офлайн форматда ташкил этиш.</p>	2023 йил февраль 2023 йил 1 мартдан бошлаб	Инсон ҳуқуқлари бўйича Миллий марказ, Бош прокуратура, Ички ишлар вазирлиги, манфаатдор вазирлик ва идоралар
9.	<p>Қорақалпоғистон Республикаси ва вилоятлар ахборот-кутубхона марказларида Инсон ҳуқуқлари соҳасидаги адабиётлар йўналишини ташкил этиш.</p>	<p>1. Инсон ҳуқуқлари соҳасидаги адабиётлар йўналишини ташкил этиш. 2. Инсон ҳуқуқлари соҳасидаги адабиётлар йўналишини халқаро шартномаларнинг давлат тилидаги тўпلامлари, инсон ҳуқуқлари бўйича ўқув, илмий-ўслубий ва халқаро нашрлар ва инсон ҳуқуқлари соҳасида ислохотлар бўйича юритилаётган хронология билан таъминлаб бориш.</p>	2023 йил февраль	Ахборот ва оммавий коммуникациялар агентлиги, Қорақалпоғистон Республикаси Вазирлар Кенгаши ва вилоятлар ҳокимликлари, Инсон ҳуқуқлари бўйича Миллий марказ
10.	<p>Ўзбекистон Республикасининг инсон ҳуқуқлари бўйича халқаро шартномаларига оид тўпلامларни давлат тилида чоп этиш.</p>	<p>1. Ўзбекистон Республикасининг инсон ҳуқуқлари бўйича халқаро шартномалари матнларини давлат тилига таржима қилиш. 2. Инсон ҳуқуқлари бўйича халқаро шартномалар тўпلامини чоп этиш.</p>	2023 йил март-сентябрь 2023 йил ноябрь	Инсон ҳуқуқлари бўйича Миллий марказ, Ташқи ишлар вазирлиги, Адлия вазирлиги, Иқтисодиёт ва молия вазирлиги, Давлат ва ҳуқуқ институти

11.	Ўзбекистон Республикасининг инсон ҳуқуқлари соҳасидаги ҳалқаро мажбуриятларини бажаришда иштирок этаётган давлат органлари ва ташкилотлар мутахассисларини инсон ҳуқуқлари халқаро стандартлари бўйича малакасини мунтазам оширишни ташкил қилиш.	1. Инсон ҳуқуқларига риоя этиш ва уни ҳимоя қилиш соҳасидаги кадрлар малакасини ошириш бўйича ўқув курсларида давлат органлари ва ташкилотлар ўқув режасини тасдиқлаш. 2. Ўқув курсини халқаро ва миллий экспертлар иштирокида онлайн ва офлайн форматда ташкил этиш. 3. Ўқув курси фаолиятини такомиллаштириш бўйича таклифлар ишлаб чиқиш.	2023 йил февраль 2023 йил апрелдан бошлаб 2024 йил январь	Инсон ҳуқуқлари бўйича Миллий марказ, манфаатдор вазирлик ва идоралар
III. Инсон ҳуқуқлари соҳасида педагог кадрларни тайёрлаш тизимини такомиллаштириш ва илмий тадқиқотларни қўллаб-қувватлаш				
12.	Педагог кадрларни тайёрлаш ва қайта тайёрлаш тизимида инсон ҳуқуқларига доир фанларни (ўқув курсларини) жорий қилиш бўйича таклифларни ишлаб чиқиш.	1. Педагог кадрларни тайёрлаш ва қайта тайёрлаш тизимида “Инсон ҳуқуқлари”, “Аёллар ҳуқуқлари”, “Бола ҳуқуқлари”, “Ногиронлиги бўлган шахслар ҳуқуқлари” курслари бўйича таълим берилиши, ўқув дастурлари ва дарсликлар ҳолатини танқидий таҳлил қилиш. 2. Педагог кадрларни тайёрлаш ва қайта тайёрлаш тизимида “Инсон ҳуқуқлари”, “Аёллар ҳуқуқлари”, “Бола ҳуқуқлари”, “Ногиронлиги бўлган шахслар ҳуқуқлари” курсларига доир методик қўлланма, модуль ишлаб чиқиш ва амалиётга жорий этиш бўйича таклифларни тайёрлаш.	2023 йил май-июнь 2023 йил сентябрь	Мактабгача ва мактаб таълими вазирлиги, Олий таълим, фан ва инновациялар вазирлиги, Инсон ҳуқуқлари бўйича Миллий марказ
13.	“Ҳуқуқшунос-педагог” бакалавриат таълим йўналишини ташкил этиш , шунингдек, “Инсон ҳуқуқлари бўйича халқаро ҳуқуқ” магистратура йўналишини такомиллаштириш бўйича таклифларни ишлаб чиқиш.	1. Низомий номидаги ТДПУ ва бошқа олий таълим муассасаларида “Ҳуқуқшунос-педагог” бакалавриат таълим йўналишини ташкил этиш бўйича таклифлар тайёрлаш. 2. “Инсон ҳуқуқлари бўйича халқаро ҳуқуқ” магистратура йўналишини такомиллаштириш юзасидан таклифлар ишлаб чиқиш.	2023 йил март	Олий таълим, фан ва инновациялар вазирлиги, Адлия вазирлиги, Низомий номидаги ТДПУ Ҳуқуқни муҳофаза қилиш академияси, ТДЮУ, ЖИДУ, Судьялар олий мактаби, Инсон ҳуқуқлари бўйича Миллий марказ

14.	“Инсон ҳуқуқлари” иختисослиги бўйича олий таълимдан кейинги таълимни такомиллаштириш.	1. “Инсон ҳуқуқлари” иختисослиги бўйича докторантура квотасини ҳар йили эҳтиёжлардан келиб чиқиб белгилаш. 2. Илмий кенгаш ҳамда тадқиқотчиларга зарур шарт-шароитлар яратиш.	2023 йил август	Инсон ҳуқуқлари бўйича Миллий марказ, Олий таълим, фан ва инновациялар вазирлиги
15.	Инсон ҳуқуқлари соҳасидаги таълим билан боғлиқ илмий-тадқиқот лойиҳаларини амалга ошириш учун илмий-тадқиқот ишларига давлат буюртмаси талабларига мувофиқ танлов эълон қилиш.	1. Олий таълим, фан ва инновациялар вазирлиги томонидан томонидан “Инсон ҳуқуқларининг долзарб масалалари” танловини ташкил этиш ва эълон қилиш. 2. Танловга келиб тушган лойиҳаларни техник экспертизадан ўтказиш, уларнинг молиялаштирилишини таъминлаш.	2023 йил 1 апрелдан бошлаб	Олий таълим, фан ва инновациялар вазирлиги, Инсон ҳуқуқлари бўйича Миллий марказ
16.	Инсон ҳуқуқларининг долзарб масалалари бўйича хорижий олий таълим ва илмий ташкилотларнинг бакалаврият, магистратура ва докторантурада таълим олиш ҳамда малака оширишини ташкил қилиш.	1. Мақсадли кўрсаткичларни тузишда инсон ҳуқуқлари масалалари бўйича кадрларга бўлган эҳтиёжини ўрганиш ва таклифлар ишлаб чиқиш. 2. Инсон ҳуқуқлари соҳасининг долзарб йўналишлари бўйича хорижда бакалаврият, магистратура ва докторантурада таълим олиш ҳамда малака ошириш очиқ стипендия танловлари эълон қилиш.	2023 йилдан бошлаб доимий	“Эл-юрт умиди” жамғармаси, Инсон ҳуқуқлари бўйича Миллий марказ, буюртмачи вазирлик ва идоралар
IV. Аҳолининг ижтимоий ҳимояга муҳтож қатламларининг инсон ҳуқуқлари соҳасида хабардорлигини ошириш				
17.	Ногиронлиги бўлган шахсларнинг ҳуқуқлари бўйича семинар-тренинглар ўтказиш.	1. Ногиронлиги бўлган шахсларнинг ҳуқуқлари бўйича семинар-тренинглар дастури, модулини ишлаб чиқиш ва тасдиқлаш. 2. Семинар-тренингларни онлайн ва офлайн форматда ташкил этиш. 3. Махсус мактаб интернатларда “Ногиронлар ҳуқуқлари тўғрисида”ги Конвенция қоидалари бўйича семинар-тренинглар ташкил этиш.	2023 йил 1 июндан бошлаб доимий	Камбағалликни қисқартириш ва бандлик вазирлиги, Мактабгача ва мактаб таълими вазирлиги, Инсон ҳуқуқлари бўйича Миллий марказ
18.	Аёлларни реабилитация қилиш ва мослаштириш марказлари ходимлари учун “Аёллар ҳуқуқлари” ўқув курсларини жорий қилиш.	1. “Аёллар ҳуқуқлари” ўқув курслари дастури ишлаб чиқиш. 2. Ўқув курсларига эксперт-тренерларни жалб қилган ҳолда амалиётга жорий этиш.	2023 йил 1 июндан бошлаб	Инсон ҳуқуқлари бўйича Миллий марказ, Оила ва хотин-қизлар қўмитаси

19.	Вояга етмаганлар ўртасида ҳуқуқбузарликни олдини олиш масалалари бўйича инспекторлар учун “Инсон ҳуқуқлари бўйича халқаро стандартлар” мавзусида семинар-тренинглار ўтказиш.	1. Семинар-тренинг дастури ва ўқув модулини ишлаб чиқиш. 2. Семинар-тренингни ўтказиш учун халқаро ва миллий экспертларни жалб қилиш. 3. Семинар-тренингни онлайн ва офлайн форматда ўтказиш.	2023 йил 1 июндан бошлаб	Инсон ҳуқуқлари бўйича Миллий марказ, Ички ишлар вазирлиги, Бола ҳуқуқлари бўйича вакил
20.	Мигрантлар ҳуқуқлари бўйича давлат органлари ва ташкилотлари ходимлари учун ўқув курслари ташкил қилиш.	1. “Мигрантлар ҳуқуқлари” ўқув курслари дастури ишлаб чиқиш. 2. “Мигрантлар ҳуқуқлари” дарслиги, ўқув ва услубий қўлланмалар chop этиш. 3. Ўқув курсларига эксперт-тренерларни жалб қилган ҳолда амалиётга жорий этиш.	2023 йил 1 сентябрдан бошлаб	Инсон ҳуқуқлари бўйича Миллий марказ, Ташқи меҳнат миграцияси агентлиги, Ички ишлар вазирлиги, Ҳуқуқни муҳофаза қилиш академияси
V. Инсон ҳуқуқлари бўйича таълим соҳасида фуқаролик жамияти институтларининг фаоллигини ошириш				
21.	Нодавлат нотижорат ташкилотлар ва фуқаролик жамиятининг бошқа институтлари учун “Инсон ҳуқуқлари бўйича таълим” йўналишида давлат гранти ва ижтимоий буюртмалар ташкил қилиш.	1. “Инсон ҳуқуқлари бўйича таълим” йўналишида давлат гранти ва ижтимоий буюртмалар танловини эълон қилиш ва ўтказиш. 2. Ўзбекистон нодавлат нотижорат ташкилотларини қўллаб-қувватлаш жамоат фонди маблағлари ҳисобидан “Инсон ҳуқуқлари бўйича таълим” йўналишида грант танлови эълон қилиш ва ўтказиш.	2023 йилдан бошлаб доимий	Олий Мажлис ҳузуридаги нодавлат нотижорат ташкилотларини ва фуқаролик жамиятининг бошқа институтларини қўллаб-қувватлаш жамоат фонди, ЎЗННТМА
22.	Инсон ҳуқуқлари таълими соҳасида фуқаролик жамияти институтлари билан ҳамкорликда ўқув тадбирларини амалга ошириш.	1. Фуқаролик жамияти институтлари учун “Инсон ҳуқуқлари”, “Аёллар ҳуқуқлари”, “Бола ҳуқуқлари” мавзусида туркум семинар, тренинг, давра суҳбатлари ўтказиш. 2. Фуқаролик жамияти институтлари учун “Инсон ҳуқуқлари бўйича халқаро шартномалар қоидаларини бажарилиши юзасидан муқобил ҳисоботлар тайёрлаш” мавзусида семинар-тренинглар ташкил қилиш.	2023 йил давомида 2023 йил май-июнь	ЎЗННТМА, Инсон ҳуқуқлари бўйича Миллий марказ, Адлия вазирлиги, Инсон ҳуқуқлари бўйича вакил (Омбудсман), “Мадад” ННТ
23.	Тадбиркорлар ва фермерлар учун “Бизнес ва инсон ҳуқуқлари” ўқув курсларини ўтказиш.	1. Соҳанинг ўзига хослигини инобатга олган ҳолда “Бизнес ва инсон ҳуқуқлари” ўқув модулини ишлаб чиқиш ва тасдиқлаш.	2023 йил июль	Ўзбекистон Савдо саноат палатаси, Ўзбекистон фермер, деҳқон хўжаликлари ва томорқа ер эгалари кенгаши,

		2. Ўқув курсларини онлайн ва офлайн форматда ташкил этиш.	2023 йил сентябрдан бошлаб	Инсон ҳуқуқлари бўйича Миллий марказ, Бизнес Омбудсман
24.	Меҳнат ва ижтимоий муносабатлар академиясида инсон ҳуқуқларини ҳимоя қилиш механизмлари масалаларида ўқув курслари ташкил этиш бўйича таклифларни тайёрлаш.	1. Инсон ҳуқуқларини ҳимоя қилиш, мажбурий меҳнатнинг барча шаклларида ҳимоя қилишни такомиллаштириш масалаларида ўқув курслари дастурини ишлаб чиқиш. 2. Ўқув курсларини онлайн ва офлайн форматда ташкил этиш.	2023/2024 ўқув йилидан бошлаб доимий	Инсон ҳуқуқлари бўйича Миллий марказ, Ўзбекистон қасаба уюшмалари федерацияси, Меҳнат ва ижтимоий муносабатлар академияси
VI. Замонавий технологиялар, бадий асарлар, оммавий ахборот воситаларидан фойдаланган ҳолда инсон ҳуқуқлари соҳасида таълим ва тарбия бериш тизимининг самарадорлигини ошириш				
25.	Мақтабгача таълим муассасаларининг ходимлари учун “Бола ҳуқуқларини ўргатиш” услубий қўлланмаси тарбияланувчилар учун “Бола ҳуқуқлари” қўлланмасини яратиш.	1. Бола ҳуқуқлари бўйича услубий ва кўرғазмали қўлланмалар яратиш мақсадида ишчи гуруҳ тузиш. 2. Услубий ва кўрғазмали қўлланмаларни ишлаб чиқиш ҳамда чоп этиш. 3. “Илк қадам” давлат ўқув дастурига мувофиқ ташкил этиб келинаётган машғулотлар давомида ушбу қўлланмалардан фойдаланишни жорий қилиш.	2023 йил май 2023 йил август 2023 йил сентябрь	Инсон ҳуқуқлари бўйича Миллий марказ, Мақтабгача ва мактаб таълими вазирлиги, Адлия вазирлиги, Бола ҳуқуқлари бўйича вакил
26.	Ўзбекистон Республикасида инсон ҳуқуқлари соҳасидаги таълим ва тарбияни мустаҳкамлаш, инсон ҳуқуқлари миллий тизими ҳақида туркум радио ва теледастурлар, кўрсатувлар ташкил этиш.	1. Ўзбекистон Республикасида инсон ҳуқуқлари соҳасидаги таълим ва тарбияни мустаҳкамлаш борасида амалга оширилаётган ишлар ҳақида туркум кўрсатув ва эшиттиришлар тайёрлаш ва эфирга узатиш. 2. Радио ва теледастурларда халқаро ва миллий экспертларнинг кенг иштирокини таъминлаш. 3. Инсон ҳуқуқларига оид ижтимоий видео, аудио роликлар телеканаллар ва ижтимоий тармоқлар орқали намойиш этиш.	2023–2024 йиллар давомида	ЎЗМТРҚ, Ахборот ва оммавий коммуникациялар агентлиги, Инсон ҳуқуқлари бўйича Миллий марказ, Мақтабгача ва мактаб таълими вазирлиги, Олий таълим, фан ва инновациялар вазирлиги, Инсон ҳуқуқлари бўйича вакил (Омбудсман)
27.	Вазирлик, идора ва ташкилотлар ҳамда ҳокимликлар ахборот хизматлари ходимлари, оммавий ахборот воситалари учун “Инсон ҳуқуқларини ҳимоя қилиш соҳасидаги давлат сиёсати ва мазкур соҳада халқаро	1. Инсон ҳуқуқлари бўйича ўқув модулини ишлаб чиқиш. 2. Ўқув курсларини онлайн ва офлайн форматда ташкил этиш. 3. Ўзбекистон журналистика ва оммавий коммуникациялар университетиде “Инсон ҳуқуқлари	2023 йил июль 2023 йил сентябрь 2023 йил сентябрь	Инсон ҳуқуқлари бўйича Миллий марказ, Ахборот ва оммавий коммуникациялар агентлиги, Ўзбекистон журналистика ва оммавий коммуникациялар университети

	мажбуриятларнинг бажарилиши масалалари” мавзусида ўқув курслар ташкил қилиш.	ва медиа” кафедрасини ташкил этиш бўйича таклифлар ишлаб чиқиш.		
28.	Инсон ҳуқуқлари соҳасида таълим олиш бўйича электрон платформа ишлаб чиқиш.	1. Инсон ҳуқуқлари соҳасида таълим олиш бўйича электрон платформага материалларни жойлаштириш. 2. Инсон ҳуқуқлари соҳасида таълим олиш бўйича электрон платформани ишга тушириш.	2023 йил апрель	Инсон ҳуқуқлари бўйича Миллий марказ, Рақамли технологиялар вазирлиги, Иқтисодиёт ва молия вазирлиги
VII. Инсон ҳуқуқлари бўйича таълим соҳасида халқаро ҳамкорликни ривожлантириш				
29.	БМТнинг Инсон ҳуқуқлари бўйича Олий комиссар бошқармаси, Европада Хавфсизлик ва Ҳамкорлик Ташкилоти ва бошқа халқаро ташкилотлар билан инсон ҳуқуқлари таълими соҳасида ҳамкорликни ривожлантириш .	1. Инсон ҳуқуқлари бўйича таълим соҳасида халқаро конференция ташкил этиш. 2. БМТнинг Инсон ҳуқуқлари бўйича Олий комиссар бошқармаси, ЕХХТнинг нашрларини ўзбек тилига таржима қилиш ва чоп этиш. 3. Халқаро ташкилотлар томонидан ташкил этиладиган ўқув курслари, семинар, конференция ва давра-суҳбатларида Марказ ва бошқа ташкилотлар ходимларининг иштирокини таъминлаш.	2023 йил декабрь доимий	Инсон ҳуқуқлари бўйича Миллий марказ, манфаатдор вазирлик ва идоралар, БМТнинг Инсон ҳуқуқлари бўйича Олий комиссари бошқармаси, ЕХХТ билан ҳамкорликда
30.	Европа Кенгашининг “Ҳуқуқшунослар учун инсон ҳуқуқлари таълими” дастури билан ҳамкорликда инсон ҳуқуқлари соҳасида мутахассисларнинг малакасини ошириш .	1. Инсон ҳуқуқлари соҳасида таълим бўйича семинар-тренинглар дастурини ва модулини ишлаб чиқиш ва тасдиқлаш. 2. Тингловчилар рўйхатини шакллантириш. 3. Режа асосида семинар-тренингларни ташкил этиш.	2023 йил сентябрь доимий	Инсон ҳуқуқлари бўйича Миллий марказ, Судьялар олий мактаби, Ҳуқуқни муҳофаза қилиш академияси, Ташқи ишлар вазирлиги, Адлия вазирлиги

